



ableinung Ferdinandi 1. wegen ansuchung des Hertzogth.
Wirtemberg, Prag 1534.

Ausschreiben, die Beschwerung des Keyserl. Camergerichts
belangende, Straßb. 1539.

Ermahnung an den Keyser des Evangelij halber in seinen
Erblanden, 1546.

Verwahrungs-Schriefft der Stände Augsp. Conf. ihrer
Kriegs-Tüßung halber, 1546.

Jo. Friderichs, Churf. zu Sachsen, u. Philippi, Landgrafen
zu Hessen, Bericht, warum sie des ungehorsams
gegen den Keyser beschuldiget werden

Werkentnis u. Erklärung auff Interim der
Stette Lubek, Hamburg u. Magdeb. 1548.

Gegenbericht der Predicanten zu Francfurt am
Mayn auff 14 Klagschriefften der Flemischen
Predicanten daselbst 1597.

Defension articul der Reformierten Ständer
des Koenigr. Moheim, 1609.

Majestats-Brieff vor die Stände des Koenigr.
Moheim 1618.

Copey eines Schreibens, so Christianus II. Churf.
zu Sachsen an Keyser Matthiam abgehen lassen
1619.

2. Discurs, die Evangelische des Itzhertzogth. Osterreich
betreffende 1619.

Mira-wundriorum fasciculi, 1624. 899.

Calvinischer Sendbrief an die Lutherischen 1626.
Notvidi, Jo. Königl. Schwedischer Kriegs-gebeth 1631
Fabricij, Jac. Dankfagungs-Predigt nach dem Sieg
bey Würzburg 1632.

Relation was sich zu Breslau a. 1632. zugetragen
Bericht von der großen u. blutigen Schlacht
bey Leipzig a. 1637.

Mysterium Pacificationis Saxonicae, Praga
promulgata 1635.

Libellus protestationis Caroli Ludovici, El.
Palatini, contra injustos processus, in suo
praedictum infideliter, Londini 1637.
Venatoris, Malth. Epistola de presenti Ger-
mania statu, 1638.

Manifest Caroli I. Regis Magnae Britanniae, in
suis in Ger-ffalt betretend, London 1642.

Ausszug aus Punkten der Liga Sancta 1646.
Bovij, Thomaf. Günstigkeit Kaiserin an den Kaiser
Paulum V. 1607.

Pacifications-Artikel zwischen dem Papst und
Kaiser zu Venedig 1607.

Capitulation Keyfers Leopoldi, Franck. 1658.

a.

Kurtze ablehnung / von wegen
 Römischer Königlich Majestat ic.
 Herzog Ulrichen von Wirtenberg
 vnd Landtgraff Philipsen zu Hef-
 sen / gethaner ansüchung des Für-
 stenthumbs Wirtenberg
 halben.



Actum Prag den 29. Aprilis

1534.

26.
 1831
 lieg
 vagen
 icht
 d
 l.
 u
 r-
 u
 2.
 67
 nd
 854.



Faint, illegible text, possibly bleed-through from the reverse side of the page.



**KOEN. FRIED.
UNIVERS.
ZU HALLE**

Faint, illegible text at the bottom of the page, possibly bleed-through.





Sie Römisch / Hungersch
vnd Behemisch Königlich Maiestat
ic. hat Hertzog Ulrich von Wirttemberg
vnd Landgraff Philipfen von Hessen
schreiben / des Dato steet zu Cassel am
Sontag Quasimodo geniti / so Irer
Königlichen Mai. auff Samstag nach
Misericordia domini / das ist der Fünff-

vñzweyzigst tag dis monats Aprilis / abents durch der
selben potten vberantwort worden / emphanen / Vnd
daraus jr fürnemen / so sie von wegen vberziehung des
Fürstenthumbs Wirttemberg / gegen Irer Königlichen
Maiestat vnbillichen vorhaben / Sampt der selben beger
Sie darin nit zu verhindern / jnen auch derhalb / bei irem
Botten schriftlich antwort zu geben / verstanden / wölch
er jr Königlich Maiestat / aus nach gemelten erzelten vr
sachen / nit vnbillich befremdung vnd beschwerung tregt
Vnd wie wol bemelter Hertzog Ulrich vnd Landgraff
in irem schreiben / geschicht / vnd herkommen der sachen / wie
vnd welcher gestalt / gedachter Hertzog Ulrich vom Für
stenthumb Wirttemberg komen sein sol / zu irem behelff mit
etwas langer außführung anzeigen vñ fürgeben / Achtet
doch Königliche Maiestat / ganz vnnot sein / sich dhalbe
auff dismale / in disputation oder antwort einzulassen.

Dann die Stende des loblichen Pundts zu Schwaben /
darunter Churfürsten vnd Fürsten / auch andere sein /
werden vngesweiffelt sammentlich / vnd eyn yeder in son
ders jr handlung / darunter dan hertzog Ulrich vom Für
stenthumb Wirttemberg / komen / gegen jme mit güte grund
zuverantworten wissen. Wie dan die Kais. Ma. in irem
eingang / irer Reichs Regierung / vnd her nach mit gutem

grund bericht worden/ Daruff auch von irer Mai. erklerung vnd erkantnus genolgt. So vil aber irer Königlichen Maiestat Person berürt/ mag jr Maie. in dem fal mit warheyt wol sagen vñ schreiben / das jr Maiestat seiner des Hertzog Ulrichē entsetzung/ wie durch jne fürgeben wirdet/ weder anfenger noch vsacher gewesen ist. Das aber Königlicher Maiestat weiter zu gemessen würdt/ wie berürt Fürstenthum Wirtemberg/ on Rechtmessigen vnd tüglichen Titel/ vnd alleyn Tatlicher weiß durch widerwertige handlung seiner mißgönner / in irer Maiestat handen gewaschen sein solte. Daruber ist Königlicher Maiestat antwort/ das irer Maie. mit solchen vngründigen fürgeben/ auch gantz vnrecht beschehe. Dañ offenbar vñ vnwidersprechlich sei/ das die Römisch Kayserlich Maiestat/ solch Fürstenthum Wirtemberg/ vñ dem löblichen Pundt zu Schwaben/ durch eynen ordentlichen auffrichtigen vnd redlichen kauff/ vmb eyn Summa gelt/ an sich gebracht / vñ das volgens die Kayserliche Maiestat irer Königlichen Maiestat/ solch Fürstenthumb Wirtemberg/ in der selben Erbteylung/ zu gestelt vñ vbergeben. Darumb die Königlich Maiestat/ zu dem Fürstenthumb Wirtemberg/ mit eynem güten rechtmessigen Titel thomen / desselben auch in billicher geweer vñ Possession ist. Daruff auch irer Königlichen Maiestat solch Fürstenthumb neben andern jren landen/ des heyligen Reichs Lehen/ von Römischer Kayserlicher Maie. auch billich belehnet. Dardurch dem Reich (wie sie fürgeben) niches entzogen ist/ Darbei auch jr Mai. mit d hülff vñ gnad des Almechtigē Gottis zu beleibē verhofft/ vñ dasselb zu verlassen/ keyns wegs/ als nit schuldig/ gesinde ist. Damit aber Hertzog Ulrich/ noch yemans anders / billicher weiß sagen/ od fürgeben möge/ Das die Königliche
liche

liche Maiestat/ Jme Hertzog Ulrichen/ wid recht vñ billichheit ychrs vorhalte/ welches doch jr Ma. gemüt vnd meynüg nit ist/ yemans dz Recht zu weygern. So erbeut sich die Künigklich Maiestat/ der sachen halb für die Römisch Keyser. Maiestat/ welche beder Partheien/ ordenlich haupt Oberkeyt vnd richer ist/ Also das solche handlung durch jr Maiestat/ alleyn oder aber sampt vnd nebē andern vnpartheischen/ Darzu die Künigklichen Mai. auß den Chur / vñnd Fürsten/ des heyligen Reichs/ nemlich Pfaltzgraff Ludwig Churfürsten/ vnd Hertzog Georgen von Sachsenleiden mag/ erörtert/ der gestalt/ Wo die handlung nach gnugsamer verhöre/ gütlich ye nit ver gleichē werdē mag / Dzdā durch die Keyserlichen Ma. alleyn / oder jr Maiestat / sampt den obgeschriben Chur vnd Fürsten/ oder wer vnpartheischer Jr Maiestat/ weiters auß den Stendē des heyligen Reichs Teutscher Nation zū jr zunemen/ gefallen wirdet / in der sach entliche / Rechtliche erkantnus beschehe / Wölcher erkantnus jr Maiestat gnug vnd ganz volziehung thun wölle .

Die weil sich dann die Künigklich Maiestat/ wie yetz gehört/ für das recht/ Ordenlich haupt/ vñnd Oberkeyt/ zu gütlicher vnd rechtlicher erkantnus vñ gantzlicher volziehung des Rechtens angebotten/ welliche Gericht Hertzog Ulrich vñ Landtgraff Philips für jr ordenlich Oberkeyt billich erkennen/ solch auch nit widersprechen können Sie auch die bede ernente auß den Churfürsten vñ Fürsten/ billicher weiß nit weygern mögē/ angesehen/ dz Pfaltzgraff Ludwig/ Hertzog Ulrichen mit Schwagerschafft vñ fründschafft/ vñ dem Landtgraffen mit Erbaynung verwant/ vñ besonder Hertzog Georg von Sachsen des Landtgraffen Schweher ist. So mag ye vber solch der Künigklichen Maiestat/ volkommenlich vnd gnugsam er-

bieten/auch vber jr Maiestat / Rechtmessigen Titel vnd
Inhaben/von Herzog Ulrichen vñ Landgraffe / noch
yemands andern mit dheyner billicheyt gesagt vñ für ge
ben werden / das die Küniglich Maiestat Herzog Ul
richen/wie hievor auch gemelt ist / ychtzit wider recht vnd
billicheyt vorhalte / Oder jme auff sein vnd des Landtgra
fen vngründigs beger/das sie auch aller erst / so sie mit al
ler Kriegs rüstung im zug sein/thun/ solch Fürstenthüb
abzutretten schuldig sei. Zu dem beschicht auch/solchs in
anhangender Herzog Ulrichs Sone Herzog Christof
fen handlung/vñ anstandt/durch die Keyserlichen Com
missarien/auff jüngsten Pundts tag zu Augspurg gehal
ten/bis auff Pfingsten gemacht / vñ zu verrer güttlicher
handlung gestelt. Es hat auch meniglich abzunemen /
das daruber Herzog Ulrichen vñ dem Landtgraffen
Ir thatlich fürnemen keins wegs zusteet / noch jnen aus
keynem grundt des Rechtens gebürt / sich in jren eygen
sachen/selbs richter zu machen/vñnd jnen die Execution
selbst zu zuteylen. Will sich dem nach die Küniglich Mai.
auff solchs alles/dem rechten / auch aller billicheyt nach
versehē / Herzog Ulrich / vñ Landtgraff / werden jres
thatlichen fürnemens güttlich absteen / die Künigliche
Maiestat/der selben Landt vñ leut/vber solche jrer Ma.
rechtmessig gnugsam vñnd gantz zimlich erbieten/nit an
tasten/noch vberziehen. Wo es aber hieruber beschehe/ so
wil sich jr Künigliche Maiestat hiemit gegen meniglich
offentlich Protestirt vnd bezeugt haben / Das jr Künig
liche Maiestat/bei der selben zimlichen vnd billichen erbie
ten nit bleiben hab mögen. Vñnd ob auch auß dem/das
jr Küniglich Ma.sich selbs der selben Land vnd Leut/
bei solchem erbieten / vñnd jrer Maiestat Rechtmessigen
Titel/Lehen/ Inhabenden Gewer vñnd Possession/vor
gewalts

gewalt vnd dem vnrechten zuschützen vnd zu schirmmen
fürnemens ist/ Vemans eynich nachteyl vnd schadē zu ge-
fügt/ Oder daruß weiter vnrathe erfolgen würdt/ das jr
Künigliche Ma. zu dem selben dheim vsach gegeben/
noch schuld haben wil/ Alleyn was ir Maiest./ zu beschir-
mung Irer Maiestat Land vnd Leut drungenlich ver-
ursacht worden sei/ das auch damit Ir Künigliche Ma.
der Keyserlichen Maiestat/ vnd des heyligen Reichs ges-
meyne auffgerichten/ gebottnen vnd verkündten Landt
friden/ vnd andere des heyligen Reichs ordnungen vnd
abschiden zu wider / oder entgegen nit gehandelt haben
wöll. Vñ dz dan nit jr geferbte Protestation / als wo man
inen gemelt Fürstenthumb nit abtrete/ sonder irrung vñ
verhinderung/ an irem vnbillichen eyn vñ vberzug erzey-
get/ Das Sie/ wo eyn auffruer daruß erfolgte des Keyn
vsach sein wolten/ glauben nit gegeben werde / noch auß
den vsachen hioben erzelt/ statt haben mag. Ob auch ime
dem Landgraffen als eynem Fürsten des Reichs/ eyn soli-
cher vberzug/ wider den gemeynen Landfriden/ vnd alle
des Reichs Ordnung vnd vilfeltig Abschid zu thun/ auch
eynes erklerten Achters helffer zu sein geburt / Das hatt
Er selbs vñ meniglich zuermessen. Das hat die Römisch
Hungerisch vñ Behemisch Künigliche Maiestat/ auff
obbenants Hertzog Ulrichen vnd Landtgraf Philipfen
schreiben/ vnangezeygt nit wöllē lassen. Mit disem vorbe-
halt/ das jr Künigliche Maiestat/ sich mit diser kurzen
antwort irer gegrundten gerechtigkeit vnd behelfs/ so jr
Küniglichen Mai. nach lengs außzufürn wisset dheim
wegs wil begeben haben. Actum prag vnter Hoch
gedachter Küniglicher Maiestat zu ruck
auffgetrucktem Secret/ am xxix. tag des
monats April. im fünffzehhundert
vnd vier vnd dreissigsten jar.

Faint, illegible text, likely bleed-through from the reverse side of the page. The text is arranged in approximately 25 lines, though the characters are too light to transcribe accurately.



Ni 2086

ULB Halle 3
001 923 03X





P

lv

WNA







a.

1.

Kurtze ablehnung / von wegen
Römischer Königlichlicher Maiestat ic.
Hertzog Ulrichen von Wirtemberg
vnd Landtgraff Philipßen zu Hef-
ßen/gethaner ansüchung des für-
stenthumbs Wirtemberg
halben.



Actum Prag den 29. Aprilis

1534.